

ত্রিপুরা হাফাঙ
ককথুম তেই হুকুম দাগিখুঙ

স-৩৫০০

আগরতলা, ৩১ অক্টোবর, ২০২৫

সিমনা বিধানসভানি তুইসিস্তা আমচায়ন' বেরায়খি থায়
সীনামনানি বাগাঁই য়াপি়ি রমজাকথা : বলঙ নাইখুঙনি মন্ত্ৰি

সিমনা বিধানসভানি বিসিংগ' খপজাক তুইসিস্তা আমচায়ন' বেরায়খি থায় সীনামনানি বাগাঁই য়াপি়ি রমজাকথা। পাবলিক-প্ৰাইভেট পাৰ্টনাৰশিপঅ (পিপিপি) অ আমচায়নি হামকাঁরাইনি বাগাঁই সামুঙ তাঙজাগাঁই তঙগ'। থাংনাই ৩০ অক্টোবরঅ মোহনপুৰ বীখাকস্টেনি হেজামারানি সুরেন্দ্ৰনগর ইংলিশ মিডিয়াম কুচুক মাধ্যমিক রাঙনকনি থাঙখলাঅ স্টেট লেভেল ওয়াইল্ড লাইফ উইক ২০২৫ পানদান' চেঙগাঁই অ কক সাখা বলঙ নাইখুঙনি মন্ত্ৰি অনিমেষ দেববৰ্মা। ব সাখা, তুইসিস্তা আমচায়' হাফাঙ ফাতারনি কায়সা মথা বেরায়খি়িনি হামকাঁরাইনি নাহারমুঙগ' রাঙ ৪০ কোটি সাবায়নাই। আর'অ কায়সা রিসৰ্ট সীনামজাকনাই। বীসকাঙনি সাল' আমচায়' ইকো ট্যুরিজম সীনামনানি বাগাঁই য়াপি়ি রমজাকনাই। বলঙ নাইখুঙনি মন্ত্ৰি সাখা, তেলিয়ামুড়াঅ প্ৰজেক্ট এলিফেণ্ট সীনামনানি বাগাঁই ৯৮ লক্ষ রাঙ চঙজাকথা। বীসকাঙ সাল' অ তাঙবীতাংনি বাগাঁই তেইব' রাঙ বকসিনজাকনাই।

পানদানি নারুটাই অকাঁরা সীনামমুঙ তেই বানিয়া নাইখুঙনি হাসতে মন্ত্ৰি বৃষকেতু দেববৰ্মা সাখা, বরক আহাইখেন' বলঙনি মালমাতারগনিব' থাঙগাঁই তঙনানি বাগাঁই মানথাই তঙগ'। তঙখরন' অজনতাই খীলায়ীই তনিথানিঅ বলঙনি মালমাতারগনি কায়সা নাংকুকমা যাক তঙগ'। আব'নি বাগাঁইন' চাঙ বলঙনি মালমাতারগন' মীথাঙগাঁই নারীকনা নাংনাই। সিচালাইমুঙবাই বাকসা বাকসা অবন' তায়ীই জতন' য়াপি়ি রমনা নাংনাই।

লামসগাঁই কক নারীকথা পিসিসিএফ চৈতন্য মূৰ্তি। পানদান' তায়দুলখা হেজামারা বিএসি-নি চেয়ারম্যান সুনীল দেববৰ্মা। পানদাঅ কুবুনি আদঙরগনি বিসিংগ' ফায়ীই মানজাক ফায়খা টিটিএএডিসি-নি ইএম (রাঙ নাইখুঙ) রবীন্দ্র দেববৰ্মা, পিসিসিএফ তেই এইচওএফএফ আরকে শ্যামল, বলঙ নাইখুঙনি স্ক্যাটফর্ম প্ৰজেক্টনি সিইও তেই পিডি পি এল আগরওয়াল, সিসিএফ (টেরিটোরিয়াল) কে শশীকুমার, সিএফ (ওয়াইল্ড লাইফ অ্যান্ড ইকো ট্যুরিজম) আর অরুন কুমার আক'সঙ। পানদাঅ হাসতে হাফাঙনি জুদা জুদা নাইখুঙ তেই সেলফ হেল্প বদলনি বীখাকতাই খুঙ ২৪ খতল ফিয়কজাকথা। পানদাঅ লুকুরগন' দালবিদাল বুফাঙ বীসা বাকজাকথা।
